

# Oshkiya'ii

## Ge-dediba'igaadeg Ji-aabajichigaadeg Waasigan



### Maawaji' gizhooniyaam owe izhichigeyin Ge-dediba'igaadeg Ji-aabajitooyin Waasigan

Owe Ge-dediba'igaadeg Ji-aabajitooyin Waasigan gii-ozhichigaade ji-wiji'aaganiwiwaad Ontario gaa-ayaawaad ji-debinamowaad geroon odaawiniwaang gaawiin dash ji-diba'igesigwaa.

Owe izhichigewining, gi-ga-izhitamaagoo ji-aanjichigaadeg gii-debinaman ji-giizhooziyin endaayin gaawiin dash geroon ji-inagindesinog. Nawach gi-ga-giizhooz gaye gi-ga-ayaawaa zhooniya.

### AWENEN GE-DEBINANGIBAN OWE?

Giishpin Ontario izhidaayin, gaye daabishkoo ishkonganing, giishpin dash diba'aman waasigan giishpin dibendaman giwaakaa'igan gemaa michi-diba'aman ezhidaayin, gi-daa-debinaan owe izhichigewin. Da-waabanjigaade aaniin minik wendiziin gaye aaniin minik awiyag gaa-wiijidaamadwaa endaayin gemaa giishpin ogimaawining onji-miinigooyin geroon. Gaye igi gaa-daawaad gaa-wendagidenig waakaa'iganing o-daa-debinaanaawaa owe.

Aaniin igo dinookaan gi-daa-miinigoo ge-aabajitooyin giishpin gikenjigaadeg aaniin ezhi-bimaadiziin, gaawiin dash memwaach ji-diba'igeyin.

**Gagwe-gikendan giishpin ji-debinamamban owe:**

**Giigidon 1-844-770-3148 | Omaa izhaan [SaveOnEnergy.ca/EAP](https://www.saveonenergy.ca/EAP)**

### OWE GI-DAA-DEBINAAN

Giishpin izhinaagwak ji-miinigoo'amban owe Ge-dediba'igaadeg Ji-aabajitooyin Waasigan, gi-ga-gashkitoon ji-aanjitooyin ezhi-giizhoo'aman endaayin gaawiin ji-diba'igesivan.

**OWE GI-DAA-MIINIGOO:**



Ge-aabajitooyin gaawiin aapiji ji-diba'anziwan waasigan, daabishkoo ono LED gaa-izhinikaadegin waasikwanenjiganan gaye gaa-zoswebiigisemagak gii-zhenaman nibi.



Oshki-aabajichiganan daabishkoo dakisijiganan mashkwaakojiganan, dakaasijiganan waasechiganing gaa-ategin gaye bengochiganan (gaawiin memwaach ji-diba'igesivan biindigajigaadegin endaayin).



Gaa-nagajitoowaad o-daa-atoonaawaa ge-onji-giizhoowaag endaayin gaye ji-dakaasisinog biindig gaye nawach ji-giizhooteg giwaakaa'igan.



## GE-ONIZHISHING

Nawach gaawiin aapiji da-gichi-inagindesinoon ji-giizhootege endayin gii-diba'aman waasigan endaso-giizis. Godak gaa-onizhishing endayin:

- Nawach da-minwendaagwan - nawach da-giizhoote biboong gaye nawach da-daki'ayaa gii-niibing
- Nawach da-waaseyaa biindig
- Gaawiin aapiji gi-ga-diba'igesii



## AANIIN EZHISEG

**Ni-wiiji'iwemin gaawiin aapiji waasigan ji-aabajichigaadesinog.**

1. Ganoonishinaam omaa **1-844-700-3148** gemaa omaa inaabin **SaveOnEnergy.ca/EAP**.
2. Gi-ga-dazhindaamin aaniin ge-izhi-debinamamban owe, maamaw gi-ga-anokaadaamin ji-gikendamang wegonen maawach ge-minoseg endayin.
3. Maagizhaa gi-daa-debinaan Energy Saving Kit gaa-izhinikaadeg Ge-aabajitooyin Gaawiin Aapiji Ji-diba'anziwan Waasigan, giin ji-atooyin ge-aabajitooyin gemaa awiya gaa-nagajitood ji-biizhaad endayin ji-gikendamang aaniin maawach ge-minosemagakiban. Ono dash daa-achigaadewan megwaa biizhaad awedi gemaa naagach.

## DEBWE NA GAAWIIN DA-INAGINDESINOON?

Eya! Iwe Ge-dediba'igaadeg Ji-aabajitooyin Waasigan onjiimagan imaa Waasigan Gaa-wiiji'iwed Ji-aabajichigaadeg (ESC) amii imaa wenji-ganawaabanjigaadegin gaawiin aapiji niibiwa waasigan ji-aabajichigaadesinog omaa Ontario.

Gaawiin dash memwaach ji-diba'anziwan ji-wiindamaagooyin aaniin ge-izhi-aabajitoosiwamban niibiwa waasigan endayin.

**Ji-biindigebii'odizoyin Ji-debinaman owe "Ge-dediba'igaadeg Ji-aabajitooyin Waasigan" Gemaa Giiyaabi Wii-gikendamang:**  
**Giigidon 1-844-770-3148 | Omaa inaabin SaveOnEnergy.ca/EAP**

Godak gegoon ozhibii'igaade omaa SaveOnEnergy.ca iwe Independent Waasigan Aabajichigewin.

